

CXXII. (i, 62; vi, 374. Add. iii, 94.) Ut Christiani ab otioso sermone et juramentis se caveant.

CXXIII. (vi, 303; vii, 149, 457. Add. iv, 60.) Qui contra statuta canonica fecerit, laicus communione, clericus privetur honore.

CXXIV. (Add. iii, 21.) Ut fidèles se abstineant a coitu prægnantium uxorum, et menstruo tempore.

CXXV. (i, 68. Add. i, 5; vi, 259.) Ut presbyteri computum discant.

CXXVI. (vii, 203, 237.) Ut superbi clerci et laici excommunicentur. Et ut patientia et humilitas, castitas et humanitas ab omnibus prædicetur.

CXXVII. (Add. iv, 55.) Si quis potentum quemlibet expoliaverit vel oppresserit, per prædicationem sacerdotum revocari debet.

CXXVIII. (i, 24; v, 28; vii, 13.) Ut unusquisque in eo loco, in quo constitutus est, ibi maneat, nec ad alia transeat.

CXXIX. (v, 55. Add. iii, 30.) De reis ad ecclesias vel ad earum atria confugientibus, ut inde non absrahantur.

CXXX. (i, 100; v, 226; vi, 133; vii, 179. Add. iv, 188.) Ut nullus occulite nuptias faciat, nec virginem vel viduam sacram ducat.

CXXXI. (vii, 237, 311.) Clerici tardi ad officium aut flagellentur aut excommunicentur.

CXXXII. (vi, 192. Add. iv, 153.) Nullus sacerdotum decimas cum lite et jurgio suscipiat, sed prædicatione et admonitione.

CXXXIII. (v, 60; vii, 34, 460.) Ut vocati ad sy-

A nodum in prætermisso occurrant; sin alias, condemnentur.

CXXXIV. (Add. iv, 81.) De his, qui sibi quacunque negligentia mortem inferunt, aut pro suis sceleribus puniuntur, nulla pro eis fiat oblatio, nec cum psalmis ad sepulturas ducantur.

CXXXV. (i, 157; v, 276. Add. iv, 100, 166.) De his, qui decimas abstrahunt ecclesiæ, ad quam pertinent, et propter munera vel aliquam occasionem alteri dant, donec restituant, ab ecclesiæ societate pellantur.

CXXXVI. (v, 112.) Laicus non debet in ecclesia publice lectionem recitare, nec alleluia, sed psalmos et responsoria.

CXXXVII. (vii, 383.) Ut ad prædicationem et confirmationem episcopi omnes devote conveniant, eique fideleri ministrent et obedient.

CXXXVIII. (Ibid., 271.) De his qui ecclesiis vim inferunt, aut clericos injuriare præsumunt, ut anathematizentur.

CXXXIX. Ut qui alium in culpa sua defendere vel excusare nititur, excommunicetur.

CXL. Ut nullus sacerdotum ignoret quid sit in synodo constitutum, sed omnibus cognitis certatim obtemparent.

Hæc vero brevitatis studio, ut prælibavimus, a nobis collecta omnibus nostris sacerdotibus habenda statuimus; quoniam ipsis et subjectis ovibus hæc eadem bene habita et intellecta omnibus modis profutura cognoscimus.

COMMONITORIUM HERARDI

ARCHIEPISCOPI TURONENSIS

AD VENILONEM SENONUM ARCHIEPISCOPUM.

(Apud Labb., Conc. tom. VIII, pag. 694.)

Venerabili Veniloni, Senonum archiepiscopo, HERARDUS gratia divinæ pietatis Turonensis metropolis, immerito licet, episcopus, salutem in Domino, et perpetuam pacem.

Certum habeat vestre sagacitatis dilectio, legationem totius synodi, quæ in vicinia confluxit Tullensem, nosmet ad vestram paternitatem communī decreto suscepisse. Litteras etiam ex synodica vocatione vobis preferendas more ecclesiastico ab eadem synodo nos percepisse. Deinceps vero nostram parvitatē gravi scitote gravatam incommodo. Et quoniam præfatae synodi institutis pro voto parere non posse nunc nostram constat inertiam, fratrem et consacerdotem nostrum, nostræ sedi officii honore aitiguum, Rotbertum, Cenomanorum episcopum, nostra vice super injuncta nobis legatione fraterno D more remandavimus pariter et postulavimus ad vos pergere: qui omnia nobis sancta synodo reverenter injuncta intrepide juxta divinitus sibi collatam

industriam ad vos exsequi procurabit. Et hoc ipsum apud memoratam obtinui synodum, ut si quolibet, ut se humana fragilitas habet, languore, sicut et accedit, detinerer, eumdem nostra vice, accepta ab eadem synodo auctoritate omnium et jussione, vobis dirigarem. Rogamus ergo, et ut patrem charissimum fratremque familiarissimum monere præsumimus, ut diligenter cautaque sollicitudine, cunctis quæ ad vos deferuntur perspectis, vobis ipsi consulere non detrectetis. Sano quoque et sapienti consilio procuretis, ne vobis, et omni nostro ordini, infantiae notam prætendatis. Et si quid in his quæ vobis objiciuntur, conscientia teste reprehensibile, aut forte damnabile judicatur, prævenire modis omnibus, et opportune detergere studeatis. Et quoniam ordinis gradus pontificalis ordinis, totius quam præmisimus synodi, ex impacta vobis hujusmodi calumnia scandalizatur, compatitur, tristatur, et congemiscit: vos, quem causam hujusce læsonis esse comperimus, et quem

oportuerat, secundum Apostolum, testimonium habere ab his etiam qui foris sunt, hortamur, fideliterque suggestimus, ut aut uni episcopo pro omnibus, aut pluribus pro cunctis, satisfacere pro tempore non gravemini vestris apicibus sacris: simulque quo regiam dignationem vobis acceptabilem, sicut vobis et omni vestro expedit gregi, satisfaciendo, humilierteque ipsius hilaritatis clementiam impetrando ac-

A quirere procuretis, obnixe flagitamus, et in charitate sincera compatiendo precanur. Valere vestram paternitatem votis omnibus postulamus, et ut nostram petitionem efficaciter suscipiat oramus; utque nostram unanimitatem ex vestri causa ad aliquantum, quin potius ad integrum, perducere certis letitiam, supplici postulatione monenuis, pater beatissime.

ANNUNTIATIO HERARDI

ARCHIEPISCOPI TURONENSIS

Regis (Caroli Calvi) ac synodi (Suessionensis III), jussu facta,

Ne mirum sit quod causa jam ante definita iterum in hac synodo retractetur: et cur reginam uxorem suam rex tam sero nunc tandem ab episcopis benedici postulet.

Auctoritas sacra, et specula ministerii, unde vobis vestram salutem nuntiare debemus, fratres, nos commonent, ut semper simus parati ad satisfactio-
nem omni poscenti nos rationem de ea quæ in no-
bis est spe et fide (*I Petr. iii*), ut illa quæ agimus,
qua intentione ac fide agamus, et qua spe nobis a
Deo remunerari credamus ea quæ recta intentione
agimus, ministerio nostro commissis, sive simpliciter,
sive non simpliciter quærentibus, vel non quæ-
rentibus intimemus, ne aut simplices suspicione
sinistra in actibus nostris offendant, aut impuri lo-
cum detrahendi nos invenientes delinquent. Hoc
enim speculatorum officium est, quo nomine nos
episcopi non merito sed gratia nominamur a Do-
mino, ut imminentia prospicientes pericula, his
quorum salutem suscepere tuendam annuntient. C
Quapropter, fratres, quorundam cogitationibus,
quorundam vero verbis satisfacere bonum duximus,
qui cogitant forte, ac dicunt, quoniam antea in hoc
eodem loco ante aliquot annos quidam nostrum, et
quorundam nostrorum decessores, synodus tenui-
mus, et eamdem causam, quam tunc dislinivimus,
nunc quoque, quasi non fuerit bene diffinita, cum
etiam et a Sede apostolica sit terminata, mutavimus,
et ob id nostra sententia vilis possit haberi, quasi
ad mobilitatem humanæ gratiæ nostras sententias
immutemus, vel, ut dicamus apertius, venumdemus.
Non ita est, fratres, quoniam in episcopali ministe-
rio non est Est et Non, sed semper Est, id est sta-
bilitas in illo est: quia in Christo hoc sacrum mini-
sterium radicatum est, qui nunquam consilium, sed
sepe mutat sententiam, tam per seipsum, quam et
per suos fidèles, de quorum numero sua clementia
nos computamur, quibus veridica voce promisit:
Ubi sunt duo vel tres congregati in nomine meo ibi sum in medio eorum; et: *Si duo ex vobis consenserint*

B super terram de omni re, fiet illis (Matth. xviii). Et quia Deus sepe suam mutet sententiam, necessarium vidimus ut de multis unum testimonium nobis omnibus amplectendum dicamus, ait Dominus: *Si dixeris impio: Morie morieris, et ille impius con- versus fuerit a via sua prava, et fecerit judicium et justitiam, vita rivet et non morietur; omnes iniquitates ejus quas fecit in obliuione erunt coram me (Ezech. xviii).* Nam et post legis duritiam quam dedit per angelos in manu Moysi, dedit Evangelii gratiam per apostolos et eorum successores omnibus prædicandam. Quia ut sanctus Leo, apostolicæ sedis magnus ornatus, dicit (*Epist. ad Rusticum Narbonensem*): *¶ Sicut sunt quædam quæ nulla possunt ratione convertri, ita multa sunt, quæ aut pro consideratione æstatum, aut pro necessitate rerum oporteat temperari: sic tamen, ut quod sequendum fuerit inventum, nec præceptis evangelicis contrarium, nec decretis sanctorum inveniatur adversum.* » Quod et in hac causa sumus secuti, sicut in sanctis auctoritatibus invenimus, qui in psalmo canimus: *Misericordia et veritas obriaverunt sibi, justitia et pax osculatae sunt (Psal. LXXXIV), et semper super exaltet judicium misericordia, dicente Apostolo: Adhuc excellentiorem viam vobis demonstrabo (I Cor. XII), id est charitatem, quæ omnibus desiderat misereri, et cunctis vult in commune proficere.* Perfecta enim sunt ea quæ ad correctionem hominum et ad censuram debitæ severitatis episcopali sententia proferuntur: sed excellentiora sunt quibus dilectionis benignitate subditorum saluti, et communī Ecclesiarum utilitati ac consultui providemus. Unde manentibus statulis prioribus, quæ secundum auctoritatem constituta sunt per justitiae severitatem, licitum est nobis per easdem supereminentes auctoritates, quæ impendunt misericordiam, immutare duriores sententias cor- tridis reginæ coronationem in eadem synodo factam. Jac. SIRM.

* *Annuntiatio Herardi.* Prior pars hujus orationis ad Wulfadi sociorumque causam spectat, cuius gratia synodus fuerat congregata, posterior ad Hermiu-